



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 161045003682073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj : 1550/10

Banja Luka, 07.04.2010.

INTERRESORNA RADNA GRUPA ZA POVRAT STARE
DEVIZNE ŠTEDNJE ; SASTANAK U MIP-u BiH, SARAJEVO
06. APRIL 2010

(Predmet : Saopštenje za javnost)

Sastanak interresorne radne grupe, Savjeta ministara BiH, sa članovima Udruženja za povrat stare devizne štednje građana u BiH i dijaspori, o Strategiji, modalitetima i načinima razrješenja problema stare devizne štednje kod Ljubljanske banke i Invest banke Beograd, održan je iza zatvorenih vrata, u utorak 06.aprila, u maloj sali Ministarstva inostranih poslova u Sarajevu. Sastanku, koji je iniciralo Udruženje za povrat stare devizne štednje, predsjedavao je Sead Avdić, dvogodišnji predsjednik interresorne grupe, prisustvovali su i Zakira Muratović, Senada Sijamić i Slavko Simović, ispred ministarstva finansija i trezora BiH, zatim predstavnik ministarstva pravde BiH, Mijo Katana i ispred Ministarstva za ljudska prava i izbjeglice BiH, g-đa Azra Hadžibegić. Sastanku interresorne radne grupe ispred Udruženja građana za povrat stare devizne štednje u BiH i dijaspori, prisustvovali su predsjednik Upravnog odbora, Svetozar Nišić, predsjednik Skupštine udruženja, Ale Lizalović i Mitar Malić, član Udruženja iz Prijedora, koga su predstavnici APIF-a, oštetili za oko 1,2 miliona KM, stare devizne štednje. Predstavnici udruženja su i ovom prilikom, predsjedavajućeg i članove interresorne radne

grupe, podsjetili na amandmane u vezi sa Strategijom Savjeta ministara BiH, usvojenom 2009.godine, koje je uložio predsjedavajući savjeta, Nikola Špirić, te ukazali na apsolutno nepotreban proces verifikacije stare devizne štednje, čiji je rok završetka (kraj 2005.godine), već nekoliko puta prolongiran. Verifikaciju, koju je sa tadašnjim rukovodstvom, zdušno zagovarala bivša predsjednica Amila Omersoftić, a kojoj se članovi sadašnjeg Udruženja žestoko protive, nije ostvarila željeni rezultat. Ovdje treba naglasiti da je samo određivanje roka procesa verifikacije, neprimjereno i protivno zakonu, jer se u ovom slučaju radi o procesu koji ne zastarijeva. Na sastanku je zaključeno da država BiH, mora zaštititi imovinu i prava svojih građana, (koji samo od Ljubljanske banke, uključujući i zatezne kamate, u zadnjih 17 godina, potražuju oko 1,5 milijardu KM). Iako ugovori sklopljeni između zainteresovanih strana, tj. građana (fizička lica) i komercijalnih banaka, zapravo nisu pod direktnom ingerencijom države, a pravo na privatno vlasništvo je neprikosnoveno, državne institucije pod hitno moraju obezbjediti instrumente kojima bi se ovaj proces proveo u potpunosti, u skladu sa jasno izraženim zahtjevima starih deviznih štediša...

Ukazujući na činjenicu, da sve iznesene navode u potpunosti može potkrijepiti, tonama prikupljenih dokaza (ali doslovce), g-din Nišić je apostrofirao kriminalna djela, počinjena u RS-u, prilikom otkupa državnog kapitala, starom deviznom štednjom. Na brojnim primjerima otkupa , tokom kriminalne privatizacije, ispostavilo se da sredstava stare devizne štednje, zapravo ima i više, nego što je stvarno upisano na deviznim knjižicama i računima štediša. Veći dio dokaznog materijala, već je ustupljen Sudu za ljudska prava u Strazburu, a dokumentacija u posjedu Udruženja, koju je 29.marta 2010.godine, ovjerio Evropski sud za ljudska prava uključuje i 16 428 apelacija oštećenih deviznih štediša. Gospodin Nišić takođe će podnijeti krivičnu prijavu protiv zastupnika BiH, koji su obmanama i iznošenjem neistine, Evropskom sudu prikazali lažna dokumenta prema kojima je deviznim štedišama navodno ponuđen otkup državnog kapitala, (njihovom starom deviznom štednjom),

što se kako je utvrđeno istragom, na kraju pokazalo kao neistinito. Istragom je ustanovljeno da su starom deviznom štednjom, državni kapital, kupovala privatna lica koja uopšte nisu devizne štediša, a sve se dešavalo uz blagoslov i podršku lokalnih moćnika i bh vlasti. Osnovni zaključak sastanka u MIP BiH, je da sve aktivnosti u vezi sa razrješenjem pitanja povrata stare devizne štednje, preuzme novoformirana ekspertska radna grupa, koju će sačinjavati predstavnici bh ministarstava: finansija i trezora, ministarstva pravde, ljudskih prava i izbjeglica, ministarstva inostranih poslova i naravno predstavnici Udruženja za povrat stare devizne štednje. Ukoliko prijedlog dobije saglasnost svih strana u sporu, partneri za pregovore, bili bi adekvatni ekspertske timovi sa slovenačke, odnosno srbijanske strane. U skladu sa trenutnim činjeničnim stanjem, Srbija je u dobroj mjeri raspoložena da preuzme odgovornost i deviznim štedišama u BiH izmiri preostale obaveze, dok Slovenija i dalje pokušava iznaći modalitete kako bi na svaki mogući način odložila plaćanje. Čak je lobiranjem u Savjetu ministara EU, uspjela izdejsstvovati Rezoluciju prema kojoj bi štetu građanima BiH, osim Slovenije, trebali nadoknaditi Srbija, BiH i Savjet Evrope...S tim u vezi, interresorna radna grupa je uvidjevši potrebu za hitnim djelovanjem, naložila izradu Rezolucije u Savjetu ministara BiH, kojom bi se izvršio dodatni pritisak na Sloveniju. Na sastanku je dogovoreno, da će o svim narednim aktivnostima, radna grupa blagovremeno informisati predsjedavajućeg Nikolu Špirića, koji bi pitanje povrata stare devizne štednje, trebao afirmisati na najvećem mogućem nivou, tj. pred Savjetom ministara EU. Jedan od zaključaka je da se na prvom budućem sastanku sa ekspertskom grupom Slovenije, preciziraju iznosi i odrede konkretni rokovi implementacije. Predsjedništvo BiH, bi u kontekstu rješavanja otvorenih pitanja sa Srbijom, na prvom budućem sastanku međudržavnog vijeća, (sada kada su bilateralni odnosi, u većoj mjeri relaksirani i normalizovani), trebalo urgentno kandidovati pitanje stare devizne štednje. Osim toga naglašena je i potreba redovnog održavanja sastanaka radne grupe na mjesečnom nivou, na kojima bi se

ustanovili svi eventualni propusti i planirali daljnji koraci. Na sastanku je ponovljena konstatacija da povrat stare devizne štednje, nikako ne može biti predmetom sukcesije država nastalih raspadom SFRJ, te da će u slučaju eventualnog neuspjeha pregovora državnih timova, oštećeni građani BiH, vlastita prava potražiti pred svim relevantnim svjetskim institucijama, uključujući i Sud za ljudska prava u Strazburu. Građani BiH, koji su svoju imovinu stekli dugogodišnjim, mukotrpnim radom u inostranstvu i zarađeni novac, vjerujući domaćim institucijama sistema, uložili u vlastitu državu, izigrani su i na izmaku strpljenja. Članovi udruženja iz BiH i cijele dijaspore, očekuju od države da iznađe najpovoljnije moguće rješenje, a to bi u ovom slučaju bilo ostvarenje legalnog i legitimnog prava bh građana, da im se u gotovom novcu ili po dogovoru, u ukupnom iznosu isplate preostala devizna sredstva, deponovana na računima pomenutih banaka.

Banja Luka,
07.04.2010.

Za Upravni Odbor
predsjednik


(Svetozar Nišić)